

Keputusan Tahunan HSBC Bank (Singapore) Limited bagi 2020

Penyata Pendapatan bagi Tahun Berakhir 31 Disember 2020

	2020 S\$'000	2019 S\$'000
Pendapatan faedah	425,395	632,796
Tolak: Perbelanjaan faedah	(119,370)	(195,209)
Pendapatan faedah bersih	306,025	437,587
Pendapatan yuran dan komisen	128,054	147,833
Perbelanjaan yuran dan komisen	(41,824)	(49,139)
Pendapatan yuran dan komisen bersih	86,230	98,694
Pendapatan perdagangan bersih	38,960	25,012
Pendapatan lain	10,304	12,019
Jumlah pendapatan operasi	441,519	573,312
Perbelanjaan:		
- kos kakitangan	(131,021)	(129,627)
- susut nilai hartanah, loji dan peralatan	(8,951)	(10,292)
- pelunasan aset tidak ketara	(1,618)	(1,757)
- perbelanjaan operasi lain	(231,105)	(229,952)
Jumlah perbelanjaan operasi	(372,695)	(371,628)
Keuntungan operasi sebelum kerugian rosot nilai kredit dan hutang lapuk	68,824	201,684
Kerugian rosot nilai kredit dan hutang lapuk	(30,086)	(24,328)
Keuntungan sebelum cukai	38,738	177,356
Perbelanjaan cukai	(7,376)	(30,597)
Keuntungan bagi tahun kewangan	31,362	146,759

Kunci Kira-Kira pada 31 Disember 2020

	2020 S\$'000	2019 S\$'000
ASET		
Baki tunai di Bank Pusat	360,232	527,487
Bil perbendaharaan dan sekuriti pemerintah Singapura	3,626,586	3,463,678
Lain-lain bil perbendaharaan and sekuriti pemerintah	640,365	722,584
Aset derivatif	2,470	13,147
Baki dan penempatan di, dan pinjaman kepada, bank	30,230	57,143
Pinjaman dan pendahuluan kepada pelanggan	14,915,961	14,757,955
Jumlah terhutang daripada syarikat induk langsung	28,743	94,407
Jumlah terhutang daripada syarikat-syarikat berkaitan	8,069,535	6,306,953
Aset-aset lain	301,029	124,665
Hartanah, loji, peralatan	114,613	114,893
Aset tidak ketara	1,741	3,339
Jumlah aset	28,091,505	26,186,251
LIABILITI		
Liabiliti derivatif	29,234	17,258
Deposit dan baki bank	43,028	37,217
Deposit pelanggan bukan bank	24,695,716	21,073,622
Jumlah terhutang kepada syarikat induk langsung	23,358	12,848
Jumlah terhutang kepada syarikat-syarikat berkaitan	1,378,708	3,015,814
Liabiliti-liabiliti lain	187,537	173,222
Liabiliti cukai semasa	19,674	34,030
Cukai tertunda	2,733	1,193
Jumlah liabiliti	26,379,988	24,365,204
ASET BERSIH	1,711,517	1,821,047
EKUITI		
Modal saham	1,530,000	1,530,000
Rizab	70,899	66,375
Keuntungan terkumpul	110,618	224,672
Jumlah ekuiti	1,711,517	1,821,047

Nisbah Kecukupan Modal

Jadual di bawah menunjukkan komposisi modal kawal selia Bank dan nisbah kecukupan modal, yang ditentukan mengikut keperluan Notis MAS 637.

	2020 S\$m	2019 S\$m
Modal Saham Biasa	1,530	1,530
Rizab yang didedahkan	149	109
Penyelarasan kawal selia	(1)	(2)
Modal Ekuiti Biasa Tahap 1	1,678	1,637
Modal Tahap 1	1,678	1,637
Peruntukan rosot nilai portfolio	45	57
Modal Tahap 2	45	57
Jumlah Modal Layak	1,723	1,694
Aset Berwajaran Risiko (RWA)	10,575	10,360
Nisbah Kecukupan Modal		
Modal Ekuiti Biasa Tahap 1	15.87%	15.80%
Tahap 1	15.87%	15.80%
Jumlah	16.29%	16.35%

Para Pengarah

Anthony William Cripps
Mukhtar Malik Hussain
Tay Cheng Kim Karen (dilantik pada 05 Mei 2020)
Fong Mun Ngin, Mervyn
Lee Yoke Sim Penny

Petikan Laporan Juruaudit Bebas kepada Ahli HSBC Bank (Singapore) Limited

Laporan ke atas Audit Penyata Kewangan

Pendapat kami

Pada pendapat kami, penyata kewangan HSBC Bank (Singapore) Limited ("Syarikat") yang dibentangkan di muka surat 5 hingga 49, telah disediakan dengan betul menurut peruntukan-peruntukan Bab 50, Akta Syarikat, ("Akta") dan Piawaian Laporan Kewangan di Singapura ("FRS") untuk memberi gambaran yang benar dan saksama mengenai kedudukan kewangan Syarikat pada 31 Disember 2020 dan prestasi kewangan, perubahan dalam ekuiti dan aliran tunai Syarikat bagi tahun berakhir pada tarikh tersebut.

Apa yang kami telah audit

Penyata kewangan Syarikat terdiri daripada:

- penyata pendapatan komprehensif bagi tahun berakhir 31 Disember 2020
- penyata kedudukan kewangan pada 31 Disember 2020;
- penyata perubahan dalam ekuiti bagi tahun yang berakhir pada tarikh tersebut;
- penyata aliran tunai bagi tahun berakhir pada tarikh tersebut; dan
- nota kepada penyata kewangan, termasuk ringkasan dasar perakaunan yang penting.

Asas Pendapat

Kami menjalankan audit kami menurut Piawai Audit Singapura ("SSA"). Tanggungjawab kami di bawah piawaian tersebut dihuraikan dengan lebih lanjut dalam bahagian *Tanggungjawab Juruaudit bagi Pengauditan Penyata Kewangan* dalam laporan kami.

Kami percaya bahawa bukti audit yang kami perolehi adalah mencukupi dan sesuai untuk menyediakan asas kepada pendapat kami.

Kebebasan

Kami adalah bebas daripada Syarikat menurut Kod Tatakelakuan Profesional dan Etika bagi Akauntan Awam dan Entiti Perakaunan ("Kod ACRA") Penguasa Pengawasan Perakaunan dan Korporat ('ACRA') berserta dengan keperluan etika yang relevan kepada pengauditan penyata kewangan oleh kami di Singapura, dan kami telah memenuhi tanggungjawab etika lain menurut keperluan-keperluan ini dan Kod ACRA.

Maklumat Lain

Pengurusan bertanggungjawab terhadap maklumat lain. Maklumat lain terdiri daripada Penyata Pengarah dan Maklumat Tambahan MAS 608 tetapi tidak termasuk maklumat kewangan dan laporan juruaudit kami di atasnya.

Pendapat kami mengenai penyata kewangan tidak merangkumi maklumat lain dan kami tidak memberi sebarang bentuk kesimpulan jaminan di atasnya.

Sehubungan dengan audit kami ke atas penyata kewangan, tanggungjawab kami adalah untuk membaca maklumat lain yang dikenal pasti dan, dengan berbuat demikian, memberi pertimbangan sama ada maklumat yang lain itu selaras secara material dengan penyata kewangan atau pengetahuan kami yang diperolehi dalam audit, atau sebaliknya, kelihatan disalahnyatakan secara material. Sekiranya, berdasarkan tugas yang kami laksanakan, kami membuat kesimpulan bahawa terdapat salah nyata material bagi maklumat lain ini, kami diperlukan untuk melaporkan fakta itu. Kami tidak mempunyai apa-apa untuk dilaporkan berhubung perkara ini.

Tanggungjawab Pengurusan dan Pengarah terhadap Penyata Kewangan

Pengurusan bertanggungjawab terhadap penyediaan penyata kewangan yang memberi gambaran benar dan saksama menurut peruntukan Akta dan FRS, dan untuk membentuk dan mengekalkan sistem kawalan perakaunan dalaman yang mencukupi untuk memberikan jaminan munasabah bahawa aset-aset dilindungi daripada penggunaan atau penjualan tidak dibenarkan; dan transaksi dibenarkan dengan betul dan bahawa ia direkodkan sebagaimana perlu untuk membenarkan penyediaan penyata kewangan yang benar dan saksama dan untuk mengekalkan akauntabiliti aset.

Dalam menyediakan penyata kewangan, pengurusan bertanggungjawab untuk menilai keupayaan Syarikat untuk terus sebagai satu usaha berterusan, mendedahkan, di mana berkenaan, perkara-perkara yang berkaitan dengan usaha berterusan dan menggunakan asas perakaunan usaha berterusan melainkan pengurusan bercadang sama ada untuk membubarkan Syarikat atau berhenti operasi, atau tidak mempunyai alternatif yang realistik kecuali untuk berbuat demikian.

Tanggungjawab pengarah termasuk menyelia proses pelaporan kewangan Syarikat.

Tanggungjawab Juruaudit terhadap Audit Penyata Kewangan

Objektif kami adalah untuk mendapatkan jaminan yang munasabah sekiranya penyata kewangan secara keseluruhannya adalah bebas daripada salah nyata yang material, sama ada disebabkan oleh penipuan atau kesilapan, dan untuk mengeluarkan laporan juruaudit yang menyatakan pendapat kami. Jaminan yang munasabah adalah tahap jaminan yang tinggi, tetapi bukan suatu jaminan bahawa audit yang dijalankan mengikut SSA akan sentiasa mengesan salah nyata yang material apabila ia wujud. Salah nyata boleh timbul akibat penipuan atau kesilapan dan dianggap material jika, secara individu atau agregat, salah nyata ini boleh dijangkakan dengan munasabah akan mempengaruhi keputusan ekonomi pengguna yang diambil berdasarkan penyata kewangan ini.

Sebagai sebahagian daripada pengauditan menurut SSA, kami menggunakan pertimbangan profesional dan mengekalkan keraguan profesional sepanjang pengauditan. Kami juga:

- Mengenal pasti dan menilai risiko salah nyata yang material pada penyata kewangan, sama ada disebabkan oleh penipuan atau kesilapan, merangka dan melaksanakan prosedur audit yang responsif kepada risiko berkenaan, dan mendapatkan bukti audit yang mencukupi dan wajar untuk menyediakan asas yang munasabah bagi pendapat kami. Risiko tidak mengesan salah nyata yang material akibat daripada penipuan adalah lebih tinggi berbanding dengan yang disebabkan oleh kesilapan, kerana penipuan mungkin melibatkan pakatan sulit, pemalsuan, peninggalan sengaja, gambaran yang salah, atau pembatalan kawalan dalaman.
- Mendapatkan pemahaman tentang kawalan dalaman yang berkaitan dengan audit bagi tujuan merangka prosedur audit yang bersesuaian dengan keadaan, tetapi bukan bertujuan untuk menyatakan pendapat mengenai keberkesanan kawalan dalaman Syarikat.
- Menilai kesesuaian dasar perakaunan yang digunakan dan kemunasabahan anggaran perakaunan dan pendedahan berkaitan yang dibuat oleh pihak pengurusan.
- Membuat kesimpulan mengenai kesesuaian penggunaan usaha berterusan sebagai asas perakaunan oleh pihak pengurusan dan, berdasarkan bukti audit yang diperolehi, sama ada wujudnya ketidakpastian yang material berhubung dengan peristiwa atau keadaan yang mungkin menimbulkan keraguan signifikan ke atas keupayaan Syarikat untuk terus sebagai satu usaha berterusan. Jika kami membuat kesimpulan bahawa ketidakpastian material wujud, kami dikehendaki untuk menarik perhatian kepada pendedahan yang berkenaan dalam laporan juruaudit kami dalam penyata kewangan atau, jika pendedahan tersebut tidak mencukupi, untuk mengubah pendapat kami. Kesimpulan kami adalah berdasarkan kepada bukti audit yang diperolehi sehingga tarikh laporan juruaudit kami. Walau bagaimanapun, peristiwa atau keadaan masa depan boleh mengakibatkan Syarikat berhenti operasi sebagai satu usaha berterusan.
- Menilai pembentangan, struktur dan kandungan penyata kewangan secara keseluruhan, termasuk pendedahan, dan sama ada penyata kewangan ini mewakili urusan niaga dan peristiwa yang mendasari dengan cara yang memberikan pembentangan saksama.

Kami berhubung dengan para pengarah mengenai, antara lain, perancangan skop dan masa audit dan penemuan audit yang penting, termasuk sebarang kekurangan yang ketara dalam kawalan dalaman yang kami mengenal pasti semasa menjalankan audit kami.

Laporan mengenai Keperluan Undang-Undang dan Kawal Selia Lain

Pada pendapat kami, rekod perakaunan dan rekod-rekod lain yang dikehendaki oleh Akta untuk disimpan oleh Syarikat telah disimpan dengan sempurna menurut peruntukan Akta tersebut.

PricewaterhouseCoopers LLP
Akauntan Awam dan Akauntan Berkanun

Singapura, 5 Feb 2021

